

Thomas E. ...

100
54

N
M
RO
Co
fer/
IOA
tit
E
Ca

lior
sed
nat
ism
sum
Diss
LH
nes
mm

NOBILI AD-
MODVM AC STRENVO VI-
RO, D. GVILIELMO à Waldenburg/
COGNOMENTO Scheneckern de Hilgenbe-
fen/ ILLVSTRISSIMI Principis ac S. D.
IOANNIS GVIELMI Iulie, Clivia, & Mon-
tium Ducis, Comitis Marchia, &c. Co-
siliario intimo, & Satrapæ, &c
Domino suo.

*Exemplum
Camaldul. me. v. v. v. v.*

Thesaurum tibi of-
fero vir NOBI-
LISSIME, non
*illam quidem ex me-
liori metallo aut Indicis lapillis;*
sed chartaceum, in Italia olim
natum, & quum à Germanis
vum ab aliis eius lingue imperitis
summo opere hætenus expetuum.
Dissertationes quædam sũt PO-
LITICIS de rebus, tũ Relation-
nes & Instructiones: quarum o-
mnium cognitio non inuendatã-

tum est & utilis verum etiã ad
 quamcumque Rempubicam re-
 etefeliciterq; administrandã ne-
 cessaria. Audacter dico: & Reges
 & Principes, & eorũ Consiliarii
 & Administri heic nõnihil inue-
 nient ad suũ usum. Etenim quis
 est quisnam egregie capessere ac
 regere Rempubicã possit, quum
 genus ipsius Reipublica ignoret?
 aut quis est qui optime ciuitati
 sue possit consulere, si neq; ciuium
 mores atque ingenia, neque insti-
 tuta percalleat? quis denique v-
 tilem ac salutarẽ de pace aut bello
 sententiã dixerit, nisi sue Ciuita-
 tis opes, nisi vectigalia, nisi terre-
 strem naualemque apparatus,
 nisi bellicas sociorum atq; hostium
 facultates

EPISTOLA

facultates ante cognouerit? Quae
 ferè omnia non fuisse quidem (infi-
 nitum enim id esset) sed breuiter
 in hoc nostro Opere explicantur:
 cuius hac veluti Pramessa siue
 Primitias Nobilissimo tuo nomi-
 ni dedicare volui & consecrare.
 Quum enim iã olim in maxima-
 rum atq; arduarũ rerum admi-
 nistratione difficilimis Reipubli-
 ca temporibus versatus sis: omni-
 no iucundam libri huius lectio-
 nem futuram tibi existimaui, re-
 cognoscenti heic ea quae ipso vsu
 atque experientia iam dudum
 comperisses, & quorum ignorati-
 one multa in Republica quotidie
 peccantur. Quanquã, ut verum
 fatear, non omnia quae heic conti-
 nentur

EPISTOLA

nentur eiusmodi sunt ut omnes iu-
 uare aut delectare possint: sed quid
 facias? ut in horto variis flori-
 bus consito eos potissimum legimus
 quorum color et odor nobis ma-
 xime arridet, ita heic censeo quis-
 que sibi decerpit quod maximum
 commodum fore videbitur. Quod
 eo dictum volo, ut ne nasutus ali-
 quis statim sibi placeat, si quam for-
 te est multis gemmis minus precio-
 sam, aut est magno pecunie aceruo
 numum aliquem non optima nota
 inuenerit: quorum morosa iudicia
 accuratissimum tuum unius iu-
 dicium et auctoritas facile eleua-
 bit. Sed et duplex alia est causa
 cur hoc faciendum ita mihi existi-
 marim: publica una, altera pri-
 uata.

DEDICATORIA.

nata. Etsi enim idem tibi euenit
 quod summis plerisque uiris con-
 tigisse olim legimus, ut scilicet in-
 uidiā atque emulationes quo-
 rumdam euitare non potueris: quod
 tamen maius aut p̄clarus inte-
 gritatis testimonium contingere
 tibi possit, quā quod posteaquā ab
 iis quos rexeras discessisti, pleriq̄
 omnes ita luxerūt, ut quasi opti-
 mo patre orbatū uiderentur idq̄
 etiānum publica uoce fateātur.
 Mihi quidem eā hactenus bene-
 uolentiā & humanitatem presti-
 tisti, ut nisi eā publico quasi pra-
 conio testarer, uitam mihi acer-
 bam putem. Nobilitatem alij lau-
 dādā existimabunt: at ea Ma-
 iorum potius quam nostra est:

*

4

Fortuna

EPISTOLA

Fortuna bona alius commemo-
 randa arbitrabitur. at incerta hac
 sunt, & indignis saepe contingunt.
 In te vero ea est veriorum ac soli-
 diorum bonorum copia, ut te his
 secunda, ut ita dixerim, nota bo-
 nis censeret non sinat: sed imprimis
 animus erectus, & ad res magnas
 ab ipsa Natura factus, & non me-
 diocri temporis experientia ipsoq;
 usu quam optime informatus.
 Multa alia haec de laudibus tuis
 commemorare possem, nisi singula-
 ris tua modestia silentium im-
 peraret. Quod igitur restat, sus-
 cipe, vir Nobilissime, te videns
 hoc munus, chartaceumq; The-
 saurum, & tuis publice Virtuti-
 bus, & officiis privatim erga me
 debi-

DEDICATORIA.

debitum, meq; ut haectenus, ita
porro clientum tuorum numero
vel extremo saltim loco adscri-
ptum patere. Colonia XXV.
Martii Anno MDCIX.

Nobiliss. Tuæ Dom.

Observantissimus

Gerardus Greuenbruch.

* 5 AD

Ad Lectorem

P R Æ F A T I O.



ETVS est & tritum sermone verbum: Magistratus ostendit virum. Et sane ita est. Multi qui superiores etiam grauissimis negotiis existimantur, vbi gubernaculis admoti fuerint vix pares inueniuntur. Est enim maioris molis opus quam vulgo putatur, vnum præesse pluribus, & ab vno capite tot capita coerceri. At hic merito locum illud habet: Difficilia quæ pulcra. Quid enim laudabilius quam omnium inuigilare salutem? quàm iustitiam omnibus æquabiliter administrare? quàm bonis præmia, malis pœnas decernere? quàm tam varios casus in Republica, quantum humani ingenii imbecillitas assequi potest, non prospicere tantum, verum etiam ad vnicam publicæ salutis cynosorum dirigere omnes & accommodare. Hinc merito magna semper apud omnes populos eorum laus fuit, qui rempublicam dextre ac prudenter administrarunt, vt etiam multis propterea diuini tributi sint honores: quos cõmemorare hic nihil attinet. Laudatur abditarum & in naturæ sinu reclusarum rerum causarumq; cognitio & merito laudatur, vt pote diuini hominis ingenio maxime digna. Ad cœlum effertur, & iure quidem, ea quæ in Moribus ad rectam Rationem
confir-


P R Æ F A T I O.

confirmandis versatur disciplina. Ceterarum quoque liberalium artium suus cuique est honos. At quis harum omnium est scopus? quis finis? quæ meta? Politia scilicet, siue Ars administrandæ Reipublicæ: cui tanquam Regina, ceteræ omnes ancillantur. Huius vero artis quamuis multa à multis præcepta sint consignata & litteris prodita. pauci tamen sunt qui omne, quod dicitur, punctum tulerint. Quum enim varia sint nō populorum tantum, sed hominum etiam ingenia, moresq; diuersi, ac proinde alię quoq; leges & instituta, alia imperii administrandi ratio; horū vero (vt infinita alia præteream) omniū cognitio Politico futuro maxime sit necessaria: fieri vix potest vt vnus omniū, præsertim ipso vsu & experiētia (quæ optima quidem; sæpe tamē stultorum est Magistra) assequatur. Vita enim breuis est, Ars longa. Quocirca mihi omnes quicumque in hoc scriptorum genere elaborarunt, si non mirifica aliqua laude, excusatione tamen digni videntur. His si quis librum illum, qui Italica lingua conscriptus sub titulo **T H E S A V R I P O L I T I C I** prodiit, accensere velit meo iudicio, non aberrat. Rhapsodiæ sunt, fateor, & varia, veluti ad magnæ alicuius domus constructionem sine ordine, sine di lectu in vnum aceruum congesta materiatio: è qua tamen peritus aliquis artifex pulcerrimam Artis Politicæ arcem nullo negotio facile sibi exædificare possit. Eum
librum

P R Æ F A T I O.

librum expeditum à multis, nuper in Latinam
linguam conuertere cœpi, liberiori quidem, at
fortasse non inconcinniori methodo ac or-
dine. Animus quidem initio erat, RELA-
TIONES omnes, tum INSTRV-
CTIONES, postea DISSERTATIO-
NES sigillatim quasque persequi: at quum
hæc pleraq; eiusmodi sunt vt subinde aliquid
addi, aliquid detrahi possit, multa etiam muta-
ri debeant; ordinem hunc commodissimum
esse duximus, nullam seruare ordinem, sed va-
rios in vna veluti Areola flores conferere: è
quibus decerptis, nitidam tibi ipse & pulcer-
rimam corollam facile possis contexere. Reli-
qua huius Thesauri his quæ iam damus,
cum Deo ad futuras nundinas sub-
iungemus, accurratori fors-
an stilo, & meliori
iudicio.

INDEX



INDEX

APOTELES-
MATVM QVÆ IN HAC
THE SAVRI POLITICI PAR-
TE CONTINENTVR.

- I. **D**E Imperiorum fundamentis, eorumque re-
cte ac feliciter administrandorum ratione
ac modo dissertatio. Cap. 1.
Consilium proprium Principi esse pernecessa-
riam. Cap. 2.
De fontibus siue origine proprii Consilii siue pru-
dentia, & de natura. Cap. 3.
De Educatione. Cap. 4.
De Experientia. Cap. 5.
Quæ & quales primæ esse debeant Principis a-
ctiones. Cap. 6.
De ministrorum delectu. Cap. 7.
Quindecim administrandi Imperii adminicula
siue instrumenta breuiter explicata. Cap. 8.
Rei militaris constituenda præcepta quedam.
Cap. 9.
Quibus modis quaque industria pax tuenda sit.
Cap. 10.
- II. Roma vrbis rerumque ad hodiernum eius stu-
rum & imperium pertinentium Descri-
ptio: & de Sixti V. Pontificis electione Re-
latio.
- III. N. Legati ad Serenissimam Venetorum Rem-
publicam.

INDEX.

- publicam, Instructio, vbi multa de Veneris
tam publice quam priuatim cognitu neces-
saria.*
- IV. *Venetæ Reipublicæ rerumque ad eam pertinen-
rium, præcipue vero Finium, Opum, Regi-
minis, Magistratum, &c. copiosa & accu-
rata Descriptio.*
- V. *N. ad S. C. M. & B. R. A. A. &c. Legati Instru-
ctio. vbi multa de Sacro Romano Imperio, e-
iusq; Principibus, &c.*
- VI. *Ditionum Rudolpho II. Romano Imperatori e-
lecto, &c. parentium Descriptio: Germaniæ
scilicet, in primis Austria, Bohemia, Hunga-
riæ, Transylvania, &c.*
- VII. *Familia Austriaca imperii ditionum Descriptio:
vbi eius origo, Genealogia, & vires contra
Turcas, &c.*
- VIII. *Turcici imperii Descriptio: deq; eorum militia,
&c. tum Comparatio virium cum Regis Ca-
tholici viribus.*
- IX. *De bello Turcis inferendo, eiusq; gerendi modo
Consultatio.*
- X. *De imperio & ditionibus Catholici Hispaniarum
Regis, &c. ac præsertim in Nouo Orbe (qui
copiosè descriptus) Relatio.*
- XI. *De Regno Gallico siue Francico Relatio.*
- XII. *De Insula & Regno Gallia Relatio.*
- XIII. *De Regnis Scami siue Scandinauia, ac Septrio-
nalibus, Suecia scilicet, Dania, Noruuegia,
Islandia, &c. Relatio generalis.*

XIV. De

XIV

XV

XVI

XVII

XVIII

XIX

XX

XXI

XXII

XXIII

XXIV

XXV

XXVI

XXVII

I N D E X.

- XIV.** De regno Sueciae Relatio specialis.
XV. De Regno Poloniae, Lithuania, Liuania & Prussia, Relatio.
XVI. De Magno Ducatu Mosconiae Relatio.
XVII. De Sabaudia, Pedemontio, &c. Relatio.
XVIII. De imperio Magni Ducis Hetruriae siue Florentiae Relatio.
XIX. De Ducatu Ferrariensi Relatio.
XX. De Ducatu Urbinate Relatio.
XXI. Laurentii Mocenici de sua ad Urbini Ducem Legatione, Relatio.
XXII. De statu Insubriae siue Mediolanensis Ducatus Relatio. simul N. N. ad regendam eam Prouinciam missi Instructio.
XXIII. De Heluetiorum Republica, deq. eius forma Federibus, &c. ex Ioanne Bodino Relatio.
XXIV. N. Legati ad Heluetios missi Instructio.
XXV. De Germania inferiori siue Belgica Relatio: & quomodo eius prouincia ad Austriacam Prouinciam sint deuoluta.
XXVI. I. L. V. Cl. Epistola, qua respondet cuidam Nobili viro, exquireti Bellumne an Pax an potius Inducia Hispaniarum Regi expediant, cum Gallo, Angla, Batauo.
XXVII. Illustr. D. Petri Caetani in Belgium ad militarem artem sub Alexandro Farnesio Parmensi Principe exercendam, & Regi Catholico inseruendum missi, Instructio.

INDEX.

- XXVIII. *Francisci Lortini de Pontificis electione, & medijs Pontificatum consequendi, Relatio.*
- XXIX. *M. Antonii Mureti ad Illustrissimos & Reverendissimos Cardinales ipso die Pasche, quum subrogandi Pontificis causa conclave essent ingressuri, Oratio, in qua virtutes Pontifici necessaria explicantur, &c.*

FINIS INDICIS.



RERV M

Co
Hæce
tur, eff
CONS
quod in
Princip



RERVM POLITICARVM

THESAURI
APOTELESMA
PRIMUM:

Quod est

DE IMPERIORVM FVNDA-
mentis, eorumq; recte ac feliciter
administrandorum ratio-
ne ac modo

DISSERTATIO.

CAPVT PRIMVM.



RIA sunt præcipue, quibus ceu
fundamenti vniuersa omnium
Imperiorum moles innititur atq;
incumbit:

Consilium, Vires, Auctoritas.

Hæc eadem partes sunt, vt Philosophi loquun-
tur, essentielles, quibus Princeps efformatur.

CONSILIVM voco, id rectæ rationis lumen, *Consilium*
quod imperandi adinivula siue instrumenta *quid.*
Principi commonstrat. Ea sunt: sagacitas in per-
noscent.

noscendis subditorum ingenijs; Prudentia in ferendis legibus ad eorum captum & mores accommodatis; Disciplina in constituenda re militari; Ars belligerandi, Pacis tuendæ industria; diligens aduersus subita casuum Preparatio; forma amplificandi imperii; instatibus ex æquandis Iudicium; temporibus obsecundandi Dexteritas; maturitas in deliberando; in exsequendo Celeritas; in agendo Constantia; animi in prosperis æque & aduersis Æquitas ac Moderatio; rerum diuinarum & ad Religionem pertinentium cognitio & cura tanta, vt nec superstitio meticulosum & inquietum, nec licentia securum reddat. Ad VIREs sex hæc pertinent: subditorum Amor & Benevolentia, imperii Antiquitas, Amplitudo, vires Vnitæ, Arma, Opes. AVCTORITAS est Fama illa præclara siue efficax Opinio de Prudentia & viribus Principis inter alios populos ac Principes sparsa, animisque cõcepta. Quum vero trium harum vocum latissime pateat significatio, ac varias res vnaquæq; complectatur; singulas seorsim enucleabimus, hancq; omnem Dissertationem in treis partes diuidemus, in quarum prima de CONSILIO, in secunda de VIRIBVS, in tertia denique de AVCTORITATE differemus.

CAPVT II.

Consilium proprium Principi esse pernecessarium.

CONSILIUM, quo Principem vti volumus, duplex est, Internum siue Proprium, & Externum

Vires in quibus rebus posita.

Auctoritas quid.

Ext
in ip
intell
quod
hoc n
sendu
tem;
extre
re scit
cum
alioru
tur.
erunt
gere se
parib
cto ta
peria
vnà cu
me ii h
tantu
sic tam
pe im
dum e
sunt;
terea i
nes ple
diuerse
public
tates.
gnitati
stimati

Externum siue *Alienum*. *Internum* illud est, quod in ipso Principis animo nascitur, & à sua ipsius intelligentia ac iudicio producitur. *Exrenum*; quod ab iis datur qui Prudentiæ opinione ad hoc munus sunt delecti. Primæ notæ ille censendus est, cui quod opus est, ipsi venit in mentem; secundæ, qui bene monenti obtemperat; extremæ qui nec ipse consulere, nec alteri parere scit. Mediocritas illa in Principe quidem locum non habet. Si enim sibi ipsi non sapiat; aliorum Consiliis tanto facilius pessum dabitur. Nam aut ii quorum consiliis utitur, & ipsi erunt imprudentes, (quod plerunque contingere solet. Pares enim, ut est in proverbio, cum paribus facillime congregantur) atque hoc pacto tanto celerior erit ruina, quanto plures imperii machinæ manus admouerint, eundemq; vnà cum Principe impulerint. Aut si vel maxime ii hoc nomine & officio digni fuerint, & ad tantum imperii onus sustinendum idonei; ne sic tamen quidquam recte fiet, quum in Principe imprudente nec Iudicii satis sit ad peruidendum ea quæ ex rebus deliberatis factu optima sunt; nec auctoritatis ad ea perficienda. Præterea inter Principum Consiliarios æmulationes plerumque & discordiæ existunt: quumq; diuersos sibi quisq; sineis habeant propositos, publica ferè consilia ad priuatas dirigunt vtilitates, variisq; artibus suis magis augendis dignitatibus quam Principis honori atque estimationi velificantur. ex quo fit vt Princeps

A 2 impru-

*Princeps à se-
ipso sapore de-
bet.*

imprudens ac talium artium ignarus, miserè decipiatur atque in præceps detur. Huc accedit quod in hominibus sapiētibus & cordatis nunquam is est aduersus stupidioris ingenii Principem amor qui in bonis Consiliaris requiritur. Ita enim comparatū est vt vitia contentum pariant; contentum odium sequatur. hinc quanto quis sapientior est, & melior, tanto magis hominis fortuna sua indigni imperium detrectat. hinc fides quoq; labascit; quæ si desit Consiliariis, incautus Princeps aut venditur, aut velut mobile lignum alienis nervis quò quisq; volet ducitur. Det igitur operam princeps qui rerum summam pēnes se esse vult, vt intelligat omnes, administrando imperio solum se parem esse. Nec vero quod Prudentiam hanc propriam Principi inesse volo, ideo alienum consilium ab eo excludo: quum nullum maius indicium bonæ mentis Princeps possit ostendere, quam si adiungat sibi & familiariter habeat viros virtute & fama celebres. Nam omnes statim iudicabunt eum talem esse, quales ij qui apud illum. Hoc tantum cauebit, ne socios illos, sed adiutores tantum imperii cepisse, vtque supra illos sapere videatur. In grauioribus negociis suadeant illi & moneant, non decernant; Principem in imperio iuuent, non doceant. Vt deniq; ad viuendum sua cuiq; anima est necessaria; ita Principi ad imperandum Prudentia: & vt sine illa homo non est; ita nec sine hac Princeps.

*Consilarii
qui utiles &
eorum mi-
m.*

CAPVT III.

De fontibus siue origine proprii Consilii siue Prudentiæ: & de Natura.

INTERNA Prudentia è triplici fonte pro-
 manat, *Natura, Educationis, Experientia.* *Natura vis.* Natu-
 ra primas velut intelligentiæ fenestras aperit,
 pro temperamenti, à quo primæ formæ & linea-
 menta moribus omnibusque animæ functioni-
 bus imprimuntur, qualitate, vel plus vel minus
 luminosas. Quum enim anima corpore ad fun-
 ctiones suas obeundas vtatur; dubium non est,
 quin ad eius temperaturam animi quoq; incli-
 nationes atque affectus sese accommodent. Et
 hæc quidem Naturæ vis tanti est, vt si forte in
 quopiam humor aliquis naturæ vitio tantope-
 re dominetur, vt rationis fræno vix ac ne vix
 quidem compesci queat; is ad imperandum o-
 mnino sit ineptus, aut ludibrium fortunæ de-
 beat. Porro è quatuor illis humorum tempera-
 mentis in Principe sanguineum prætulerim, a-
 tra bile nonnihil temperatum, vt nimius san-
 guinis feruor hac veluti affusa aqua aliquantu-
 lum tepescat. Hoc enim temperamenti genus
 moribus decoram quandam & amabilem gra-
 uitatem, & corpori sanitatem vitamque longæ-
 uam cõciliat, animum ad modestiam, iustitiam,
 fortitudinem, clementiam inclinat, eandem di-
 sciplinarum ac Prudentiæ præceptis facîle per-
 ciipiendis aptam reddit; solum denique philtri
 quandam ac fascini vim habet, qua homines ad

*Quod tempo-
 ramentum
 in Principe
 optimum.*

amorem pelliciuntur : tantumq; efficit, vt multi olim Principes huius vnus beneficio totius vitæ cursum inoffensum elegãter & cum dignitate confecerint. At complexio (vt vocant) minime omnium Principi conueniens illa est, in qua pituita abundat. Quibus enim talis, seruitiis magis quam imperiis apti, ad disciplinas tardi, in consiliis stupidi, ad rerum momenta pigri, ad suspensiones ob intellectus imbecillitatem proni (qua vix vlla est in publicis rebus peffis capitalior) animis pusilli, in consiliorum atque actionum finibus & scopis vel timidi vel sordidi, in decernendo dubii, in exsequendo inconstantes, quibus in rebus omnibus casus magis quam Prudentia locum habet; huique tales vix vnquam alieni consilii veluti pædagogio vel tutela liberantur. In quibus flaua bilis siue cholera abundat, in confinio virtutum ac vitiorum sunt positi; grata quidem corporis specie, sed fragili, ob texturæ, vt sic dicam, raritatem, & facilem humorum mutationem: vnde vitæ existit breuitas, & tam animi quam corporis mollities quædam, grauibus negociis non sufficiens. Tales insuper iracundi sunt, lasciu, ingrati, faciles nimis atque aperti, minimeque eam grauitatem quæ talem decet fortunam, seruant. Quantum vero ad alios animi attinet affectus, virtutibus iidem propiores sunt; in consiliis capiendis celeres, ad exequenda prompti atque alacres, in negociis gerendis strenui, in proponendis actionum sibi finibus generosi. Temperamen-

Phlegmatica complexio à Principe alienissima.

Cholerici quales.

pera
tan
ama
mer
statu
quan
nihil
largi
nes,
midi
Qua
ad q
piun
neces
que
mori
accu

IN
vit
hum
mult
lorum
est. E
rum
scilicet
tibic
bi bo
flore

peramentum melancholicum etsi nec aspectu *Melancholi-*
 tam gratum faciat Principem, nec tam moribus *ci.*
 amabilem, nec animo tam fortem, nec ad cle-
 mentiam tam pronam quam fortuna ipsius &
 status forte requirit, sed castigare magis vitia
 quam virtutes remunerari paratum: corporis
 nihilominus sanitatem & laborum patientiam
 largitur. Iidem ingeniosi sunt, parci, taciti, gra-
 ues, industrii, alieni à voluptatum illecebris, ti-
 midi quidem, sed in gubernandi curis assidui.
 Quandoquidem verò his animorum motibus,
 ad quos corporis quadam contagione abri-
 piuntur, raro vim faciunt ac resistunt Principes;
 necesse est vt qui sine errore de vita ipsorum at-
 que actionibus coniecturam facere velit, hu-
 morum eiusmodi temperamenta in singulis
 accurate obseruet ac perspecta habeat.

C A P V T I V.

De Educatione.

IN Educatione tanquam omnium virtutum ac *Educationis*
 vitiorum fonte atque origine, præcipuum *vis.*
 humanæ felicitatis momentum consistit. Huic
 multorum imperiorum salus ac ruina, popu-
 lorum seruitus vel libertas accepta ferenda
 est. Hæc si bona sit, mater est & nutrix bono-
 rum morum; ex bonis moribus (Principum
 scilicet) bonæ leges nascuntur; bonæ verò leges
 tibicines veluti sunt & fulcra potentæ. Iam v-
 bi bonis moribus, legibus & armis imperium
 floret; necesse omnino est vt respublica ma-

§ THESAURI POLITICI

*Educatio
quid.*

gnus viribus, felicitate subditi, Princeps majestate quadam singulari sit praeditus. Est autem *Educatio* nihil aliud, quam bona & diligens animi cultura, quæ lumen intellectui praefert, imperium rationi tribuit, terminos voluntati ponit, affectibus frænum inijcit, regulas actionibus praescribit, ipsum deniq; corpus omniaq; eius membra ad agilitatem & laborem format: qui quidem fructus ad maturitatem nunquam perueniunt, nisi iis in animis quibus semina hæc suo tempore sunt dispersa. Quamuis autem omnis ordinis hominibus Educationis huius vis ad bene viuendum tam necessaria sit quam ipsa anima ad viuendum; multo tamen ea magis in Principe requiritur: qui hac deftitutus, non pater Patriæ, sed noxium aliquod animal & publica calamitas censetur. Quomodo vero & in quibus rebus puerilis ætas exerceri atque educari debeat; ab aliis copiosè explicatur.

CAPVT V.

De Experientia.

*Experientia
quid.*

Quotplex.

Experientia dux est intellectus, magistra vitæ, voluntatis norma, prudentiæ anima, sine qua nec in bello, nec in pace quidquam rite administrari, non corpus imperii pernosci, non morbi quibus obnoxium, explorari, non conuenientia adhiberi remedia, non tempus, non modus in iis adhibendis seruari possunt. Experientia hæc duplex est, vna communis, ex earum rerum quæ ab prima mundi origine contigerunt.

A P O T E L E S M A I

gerunt, & variarū in vita humana mutationum
 obseruatione nata: altera propria, earum rerum
 quas ipsi in vitæ huius curriculo, vsu quodam
 notauiimus. Hæc sine illa adeo breuis est atque
 impedita, vt pauci hac sola duce & magistra cum
 laude res ciuiles administrarint. Est enim ars
 longa, vita breuis: & sicut tarde ætas hominis
 adolescit, ita pæne antequam iudicium matu-
 ruerit, senectus obrepit. Est insuper experien-
 tia hæc ita nuda, priuatis rebus damnosa, publi-
 cis vero periculosa: quippe quæ rectum mon-
 strat per errores, & ordinem à turbis. Quæ au-
 tem prudentem facit Principem experientia, ex
 vtroq; genere constat. Communis illa triparti-
 ta est. prima hominem docet seipsum guberna-
 re: secunda, res ciuiles instruit: tertia, sub histo-
 riarum nomine euentus particulares memoria
 dignos colligit, & ex præteritis præsentia dispo-
 nit, & de futuris coniecturam facit: qui vt præ-
 cipuus est Prudentiæ (quæ & ipsa è singularibus
 rebus nascitur) fructus; ita longe solidiores in
 eo habet radices, cui amplior & solidior earum
 notitia & memoria, Historiæ beneficio, cōtigit.
 Hinc sane est quod multi hac sola experientia
 freti, ceteroqui tractandarum rerum apud Ca-
 tanensem & alias Siciliae ciuitates publicarum ab
 vsu imperiti Respublicas præclaris legibus fun-
 darunt: quales fuerunt Charondas, Draco apud
 Thessalos, apud Milesios Hippodamus, Philo-
 laus apud Thebanos, apud Carthaginenses la-
 bea, apud Chalcidenses Andromachus, Pitta-

Communis

cus apud Lesbios, apud Magnesios & Siculos Plato. Equidem vere sapiens is merito habendus est, cui animus harum vtraq; subactus est & excultus: quales duo illa non Græciæ tantum, sed omnium etiam imperiorum splendidissima lumina Solon & Lycurgus fuere, quorum legibus olim duæ illæ celeberrimæ lateque imperitantes Respublicæ vltra annos octingentos steterunt, & floruerunt, adeo vt pleræque etiam nostri temporis respublicæ forma administrandi imperii ab iisdem desumpta vtantur.

CAPVT VI.

Quæ & quales primæ esse debeant Principis actiones.

CONSIDERATIS in Principe iis rebus, quæ Naturæ benignitate, Educationis diligentia, ductuq; Experientiæ tribuuntur; restat vt quæ eius ad imperii gubernacula iam admoti, primæ actiones esse debeant edisseramus; ex quibus plerunq; de futuris augurium capere licet. Est enim à natura ita comparatum, vt in nouitium Principem omnium oculi & mentes defigantur, eorum maxime quorum interest, quibus ille moribus sit præditus: vt subditorum, in quos virtutes & vitia Principum redundant; vt clientum, qui ab ipsorum protectione dependent; vt amicorum, qui eandem cum ipsis fortunam subire necesse habent; vt æmulorum atque hostium, quorum magni refert cognoscere, quem illi imperandi viam inierint, quem

*Principis
maxima cu-
ra esse de-
bet.*

quem modum vsurpent, Prudentisne & cordati, an incauti atque abiecti animi signa ostendant. Quod si aliis in rebus omni studio cauent homines, ne, quod dicitur, in limine impingant: quanto id magis Principi in imperii initio est cauendum? Det igitur operam Princeps, vt initio statim intelligant homines, se non tantum præsentis fortunæ, verum etiam cuiusuis augmenti atque accessionis, quam tempus & occasio forsan afferre possent, capacem esse. Quod enim in cæteris rebus dici solet, Principium facti esse dimidium; multo magis hîc locum habet. Porrò actiones quibus existimatio atque auctoritas Principi conciliatur, illæ potissimum sunt quæ Religionem ipsius in diuinis, & Prudentiam in humanis rebus ostendunt. Tantum vero religionis valet opinio, vt vbi illa sit, ibi ceterarum quoque virtutum omnium chorum esse plerique persuasum habeant. Hæc populos veneratione implet, & à tyrannidis metu reddit securos: hæc Principem melius quam vllum satellitium tuetur: fores occludit omnibus incommodis quæ Reipublicæ periculum, Principi damnum minatur; quibus latissimas fenestras aperiunt, in quorum animis illa firmis radicibus non hæret. At longe hic duos illos scopulos Princeps fugiat, Superstitionis, & Simulationis; quarum illa stuporis, hæc astutiæ censetur argumentum. Superstitio quidè & aniles persuasunculæ, vt antiqui Poëtæ verbis vtar, *Faciunt animos humiles formidine diuini, Depressosq.*

*Quæ initio
Principatus
curanda.*

*Religionis
vis.*

*Superstitio
fugienda.*

Depressosq.

pressosq; premunt ad terram. Et sanè vilium ferè aut barbarorum est Superstitio; qui ea, vt bubali naribus, quovis ducuntur, & nugacissimis hominibus prædæ fiunt. At Simulatio religionis tandem in pudorem, & forte etiam in exitium Principem dabit. Quam enim vera & genuina virtutis species amabilis est, tam odiosus est omnis fucus: quo qui vtütur, negotia ipsi sua corrumpunt, suisque ipsi artibus ab aliis petuntur: adeoq; quum in eo sunt vt alios decipiant, tum maxime decipiuntur. Etsi vero artes quibus religionis opinio conciliatur, Principi nonnunquam necessariae sunt; eadem tamen quando ad astutiam magis quam prudentiam inclinant, plus obsunt quam profunt. Quñ igitur hac Religionis existimatione Principis gloria, stabilitas imperii, populi securitas, pacis fundamentum, vitæ longæuitas, atque ad eò in ipsa morte vitæ spes contineatur: prima in ea & ab ea imperii sui fundamenta ponat Princeps, non illa quidem verisimilitudinis aut inanis persuasionis arenæ, sed solido ipsius veritas saxo innixa.

Quæ vero Prudentiæ in rebus civilibus opinionem Principatum adeptis conciliant, duo sunt: rei priuatæ siue familiaris administratio, & electio ministrorum. Et quidem à Principum aulis subditi plerunq; vitæ sibi exemplar quod imitentur, petunt. Hinc magna parte imperii sanitas vel infirmitas, pax vel turbatio plebis, honor Principis vel infamia dependet: qui quanto opulentior est potentiorque, tanto magis opus habet

Et Simulatio.

Prudentia opinio quibus modis concilianda.

habet ministris. At hos qui habebit, nisi accersat? Ad quid vero accersuerit, quos primus ipse domesticis vitiis sit corrupturus? Quandoquidem vero humanæ imbecillitatis semper memor Princeps esse debet, cui maxime muliebris sexus est obnoxius: sane perquam necessarium est ut Gynæcei quoque vitam & mores diligenter inspiciat, dirigat & corrigat, non tantum ut eius exemplo totus ille sexus ad dignas se virtutes exstimuletur, sed ut suæ etiam ipse Princeps quieti consulat atque existimationi. Quid enim Augustum eò felicitatis prouectum, ut imperium cum Ioue diuisisse videretur, magis conturbauit quam gynæcei probra & flagitia? Iuliæ in primis filia, quam ipse gentis suæ carcinoma appellare solebat. Frequens quidem gynæceum ut non negauerim ornamento esse Principi, & aulicis oblectamento; ita illud moneo, rem vitream esse & periculi plenam, atque etiam facilem tragediis funestissimis materiam atque occasionem præbere. Principis ergo aulam ac familiam ita institui oportet, ut nec ad virtutem, nec ad splendorem quidquam in ea desideretur, utque ad eius normam atque exemplum vniuersæ ciuitatis mores tuto dirigantur.

Gynæcei mores curandi.

C A P V T V I I.

De Ministrorum delectu.

PRIMVS ministrorum eorumque quibus præ cæteris fidunt delectus, Principum solertiam ostendit, secretas animi prodit inclinationes,

*In ministro-
rum delectu
error vnde.*

tionem, & ichnographiam veluti quandam exhibet futuri imperii, ac modulum quo in deliberationibus sint vsuri. Duobus hic modis vt plurimum erratur: aut imperii seu ciuitatis vitio, aut Principis Ciuitatis, vel regionis; quando vel occulto climatis alicuius influxu ac situ, vel malæ educationis ac morum populi vitio graues & rebus gerendis apti homines rari inueniuntur, vt fere in maiori Asiæ parte. Principis; quum vel ipse suspicionibus naturâ indulgens, vel propriæ imbecillitatis conscius, ab eminentibus virtute ministris adhorret: aut iudicii quodam errore negociorum pondera cum administratorum viribus non recte componit atque expendit: aut nimia animi facilitate fauore magis quam meritis ducitur. Et hic quidem non sine periculo reipublicæ ac Principis semper peccatur; maxime autem sub ipsa imperiorum initia, mutationum ac nouarum rerum periculis per se obnoxia: tum præcipue quando imperium seuere administratur; quando inanis tantum eius species & nomen est penes Principem; quando Princeps à subditis lingua, moribus, & quod dicitur, toto cælo dissidet, quando membrum aliquod imperii à reliquo corpore longe est dissitum; quando in ipsis imperii visceribus potentes sunt subditi, ad æmulum aliquem excitandum atque introducendum idonei; quando populus natura leuis est, inconstans, & incertæ fidei; quando finitimi reges ac Principes opibus præcellunt; quando alius Princeps

*Quam pers-
culosus, &
quomodo.*

Princeps imperii ius præterdit; quando Princeps superiorem agnoscit, nouaque Inuestitura opus habet; quando à prædecessore aut rei militaris ordo confusus, aut ærarium exhaustum & reddituum nerui incisi, aut iustitia corrupta est, aut populum nouæ religionis cupiditas incessit.

Iam mores actionesque Principum, quæ in nouis imperiis turbas dare solent, hæ sunt: si Princeps magnitudinis suæ incapax, & fortuna indignus videatur; si ministris imprudentibus & sua tantum commoda spectantibus totum se det; si veros amicos abalienet, falsos admittat; si iniuria affectis fidat; si consilia turbulenta & noxia aliis communicet; si pacem vel inducias emat, extremam confessus necessitatem; si per imprudentiam subditis fenestram ad res nouas patefaciat; si secreta imperii prodatur; si suis ipse manibus per varias suspiciones arma excutiat; si à mercenariis totus pendeat; si deniq; astuta magis quam tuta & prudentia consilia sequatur. Prudentia consilia illa voco, in quibus verus actionum finis spectatur, ad eum consequendum non nisi honesta media vsurpantur. Astuta eundem quidem sibi finem habent propositum; sed in mediis quibus eò peruenitur, eligendis, exiguam honesti habent rationem: quo nihil est apud Deum atque homines magis odiosum. hinc etiam fit vt plerumque talia consilia infeliciter succedant. Etsi enim nonnunquam in iis quæ bonus etiam Princeps agit, honestum vtili quodammodo cedere videtur; id tamen

Qua cauenda initio imperii.

Prudentia consilia quæ & quæ astuta.

non

non à voluntate est, sed à vi, quæ Principem ad rerum atque imperii summam potius quam ad alia respicere cogit. Rempublîcâ enim eiusmodi sepe inuadunt morbi, qui nullis aliis remediis quam ab astutia petitis sanari possunt. At qui hisce non vt remediis vtuntur, sed vt quotidiano cibo pascuntur; suo sibi iumento, quod dicitur, malum accersunt, idq; duas ob causas: quarum prima est, quod vt calliditatis opinio semper & apud omneis est odiosa; ita præcipuus eius effectus est, quod excæcat eorum ipsorum qui ea vtuntur oculos, falso existimantium, posse se suis artibus quosvis pro suo arbitrio circumuenire. Secunda, quod Princeps suorum ministrorû iudicia deprauat, qui etiamsi naturâ ab eiusmodi & consiliis actionibus abhorrent, Principi tamen, vt & ipsi sapere videantur (eos enim homines, sed in primis Principes sapientes iudicant qui idem cum ipsis sentiunt, aut sentire se simulant) per omnia obsequi, iisdemque artificiis vti, in animum inducunt; sic vt breui quot Consiliariis, tot vulspeculis Princeps circumdatus videatur. Quum vero fieri non possit vt vas quodpiam alium stillet liquorem quam cum quem habet: illud quoq; necessariò sequitur vt si qua tempora eiusmodi ministrorum operam requirant, illi sine dubio iis artibus in agendo vtantur quas ab ipso didicerunt, simulatione scilicet & priuatæ utilitatis respectu. Sunt verò Administrorum quatuor genera: primum eorum qui ad consilia status, id est, de imperii

admini-

*Administrorum
genera
quatuor.*

administratione adhibentur: secundum, quibus rei bellicæ cura est commissa: tertium, qui prouinciis & oppidis sunt præfecti: quartum, qui magni momenti obeundis Legationibus sunt destinati. Hi omnes necesse est vt bene à natura, melius etiam ab educatione, doctrina & experientia sint informati, ita vt ipsa quidem conditione priuatorum vitam degant; habitu- dine vero & animi dotibus, Principibus sint æ- quales. Quantò vero longius horum vnusquis- que; ab ea quæ requiritur perfectione aberit; tanto minus conducibilem reipublicæ operam præstabit.

C A P V T V I I .

*Quindecim administrandi imperii adminicula,
sive instrumenta breuiter explicata.*

I AM vbi Princeps reipublicæ gubernaculis manum admouit, & primis actionibus singularem quandam de virtutibus suis, religione imprimis & prudentia concitauit expectationem; omni studio eò incumbere eum oportet, vt egregiè illam non sustineat tantum, sed etiam vincat: quod fiet, si iis quæ superius diximus, imperii administrandi instrumentis recte ac pe- rite vtatur. Horum primum est, vt populorum in- *Prudentia in noscendis subditorum ingenis.*
genia & mores à natura insitos bene habeat perspe- ctos. Etsi enim ex eadem, quod dicitur, farina, eademque materia omnes sunt homines, atque eadem naturæ vi atque effectiõibus in lucem hanc producantur; constat tamen admirabilem

B esse

esse ac pæne incredibilem hominum inter se dissimilitudinem, & variam pro locorum diuersitate naturam. Cuius rei causam præcipuam cœli ac siderum viribus nonnulli tribuunt; vnde & in hominum ac ceterorum animalium ingenii ac naturis diuersi existunt affectus atque inclinationes, adeo vt vna natio non diuersa ab altera, sed plane etiam contrariis moribus ac motibus prædita videatur. quinetiam ipsi terræ à cœlestium corporum influxu diuersæ imprimuntur vires, atque in diuersæ affectiones nascuntur. Tantapræterea vis est educationis, vt etiam ipsi quodammodo naturæ vim afferat, & à communi viuendi consuetudine transuersam agat. Vnde non satis est Principi perspectas habere in vniuersum naturæ humanæ virtutes & vitia; sed quæ propria etiam sint eorum quibus imperat populorum, considerare oportet. Qua in re quidem, vtpote perulgata & omnibus fere nota, non multum operæ & studii ponendum est; sed animum tantum aduertere satis est. Ex hac cognitione secundum caput nascitur, quod est *Prudentia in legibus ferendis*, vt scilicet quæ quibus populis congruant, bene intelligatur. Vt enim quantum vis equestris artis peritus non facile dixerit, quodnam & quale frænorum genus equo alicui conueniat, nisi naturam eiudem & ingenium prius habeat exploratum: ita nec Princeps subditos in officio continebit, nisi legibus ad eorum mores & ingenia accommodatis. Nam etsi tam distribu-

tiuæ

*In ferendis
legibus.*

tiuz quam correctiuz Iustitiæ proportio ab vniuersali contemplatione naturæ humanæ sumitur; nihilominus tamen in actionibus postea ad populi, immo hominis cuiusque naturam & mores semper est respiciendum. Apud Asiaticos quidem si quis aliud ciuitatis vel imperii genus quam regale & despoticum constituere velit; multum errauerit, nec diu sanè imperium tenebit. Est enim populo illo siue cœli siue educationis, vel potius vtriusque vi & natura nihil mollius, nihil feruilius; cui non tantum conuenit, sed necessarium etiam est prædictum imperii genus. At si hoc idem quis nonnullis Europæ populis imponere tentauerit; seipsum vnà cum imperio funditus euertet.

Asiaticorum ingenia.

C A P V T V I I I.

Rei militaris constituenda præcepta quedam.

EX tribus imperiorum fundamentis vnum est **VIS** siue **VIRE**s; quæ præcipue ab *Armorum* vsu dependent. *Armorum* vsus sine *Disciplina* exiguus vel potius nullus est. Leges vero siue præcepta ad *Disciplinam* militarem pertinentia quadruplicis sunt generis. *Primum* est eorum quibus vniuersim homines educationis diligentia ita formantur, vt & animis ad obtemperandum, & corpore ad labores tolerandos fiant apti: quibus duabus rebus, obedientia scilicet & laborum tolerantia omnis militiæ vis, & utilitas continetur: nec vllum reipublicæ

Militēs quo modo formandi.

maius beneficium conferre Princeps possit. *Secundum* ad Dilectum spectat. Cœli enim ac regionum diuersitas magnam efficit in hominibus morum atque ingeniorum varietatem & dissimilitudinem; quæ quidem nulla etiam quantumuis accurata educatione ac disciplina immutari potest. Frustra enim sit qui eam in-trepidi animi præsentiam & mortis contemptum ab Australibus exigat vel expectet qui in Aquilonaribus cernitur; quos tamen illi ingenii acrimonia & sagacitate longe vincunt. At qui in temperatis degunt regionibus, non minus Prudentia quam Viribus & robore valent. Ex quo patet non omnino verum esse illud quod vulgo dici solet, qui viros habeat, bonos etiam milites, si velit, habere posse. neque enim formæ imprimi possunt, nisi pro dispositione materiæ. Constat certe patentibus præsertim locis, ad victoriam cõsequendam omne fere momentum in seruandis ordinibus esse positum: quam ad rem Arabes, Parthi, & omnes fere Asiæ populi omnino fuerunt, & hodie etiam magna ex parte sunt inepti, non disciplinæ vitio aut defectu, sed animi tantos impetus sustinere non valentis inopia. Qui igitur diuersæ naturæ populis imperat Princeps, in deligendis militibus summo vt iudicio debet, & in singulis atque vniuersis morum ac naturæ rationem habere. *Tertium* rei militaris bene cõstituendæ præceptum illud est, vt quodnam militiæ quodq; armorum genus populo alicui conueniat, inspiciatur.

Qui eligendi.

Militia & armorum genus considerandum.

Sunt

Sunt enim alii ad equestrem, alii ad pedestrem; alii ad terrestrem, alii ad naualem militiam aptiores: hi hastis & sarissis; illi scloppis melius vtuntur: & e contra. Est etiam in ipso armorum genere magna varietas, & magnū ad victoriam momentum: quæ quidem Romani sapissime mutarunt, donec tandem eorum quæ optima exemplis siue formis ab vnaquaq; gente sumtis, inuictas suas acies fecerunt. *Quartum* ea præ-Rei militaris partes sine munera.

scribit quæ in singulis militiæ functionibus obseruanda sunt. Harum quinque sunt: iter facere, castra metari, prælium committere, defendere, oppugnare. Horum vnumquodvis recte administrari tanti interest, vt vel solius huius disciplinæ fulcro etiam parum sanum ciuitatis corpus sustineri queat. Antiquam illam Romanorum rempublicam mihi aliquis consideret, nullam profecto reperiet quæ mutationibus magis fuerit obnoxia, quæq; intra sua ipsius viscera tot seditionum, turbarum, ac tandem pnolethriæ causas inclusas habuerit. At sola militari hac disciplina non dignitatem modo illa suam quam diutissime conseruauit, sed orbis etiam terrarum imperium moderata est. Porro in omni re militari præcipuum munus est imperatoris, in quo multa, sed quatuor hæc imprimis requiruntur, rei militaris scientia longo vsu acquisita, virtus, auctoritas, felicitas. Ad primum quod attinet, quis nescit bonos imperatores non à schola & umbra, sed è campo & puluere dari solere? qui magistra *Experientia,*

*In imperatore
re qua requi-
rantsur.*

*Experientia
militaris in
quibus rebus
consistat.*

& Vsu doctore præcepta militiæ animo combi-
berint. *Vsum* appello, interesse consiliis siue de-
liberationibus, executionibus præesse, vel cer-
te adesse, considerare euentus: è quibus rebus
illa deinde nascuntur Prudentiæ munera: occa-
sionibus oblati bene uti; vireis suas cum ho-
stium viribus sollicitè componere; ad omnem
euentum & casum subsidia parata habere; con-
silia sua ad res præsentès accommodare; res qui-
bus opus est prouidere; temporibus insidiari;
hostium incommoda ad suas vtilitates trahere;
quando necesse sit præuerrere, quando diuer-
tere; quando ab armis, quando sine armis spe-
randa sit victoria; quando præcocibus, quan-
do maturis consiliis vtendum, nouisse; seueri-
tatem denique cum humanitate decenter tem-
perare; quo vno nullum est ad continendos in
tanta morum & linguarum varietate, militum
animos vinculum robustius, vt quidem Anni-
balis exemplo patet, hac præcipue arte ad om-
ne militare munus informato milite, ad tan-
tam magnitudinem prouecti. Iam *Virtute* im-
peratoris (quæ est Corporis animique vigor
quidam, & simul Animi probitas) tamquam
spiritu & anima totus sustentatur ac viuít exer-
citus; in eaque etiam præcipue boni euentus
& victoriæ spes sita est. Quamuis enim pro-
prium boni imperatoris munus non sit Pugna-
re siue manum conferere, sed Acie ad Pugnam
ita instruere, vt certa sit spes victoriæ; sine pro-
pria tamen *Virtute* & corporis atque animi ya-
lore

*Virtus impe-
ratoria qua.*

lore ne hoc quidem recte atque feliciter poterit administrare. *Auctoritas* vero (quæ existimatio est & fama de virtute imperatoris, meritis acquisita) viuum quoddam est & efficax exemplum, quo militum animi & ad imitationem prouocantur, & ad fiduciam animantur. Quum denique in omnibus rebus humanis *Fortune* magna vis, in bello vero longe maxima sit; eius sane diligens etiam ratio habenda est. Sunt enim quidam profectò quartâ (vt dicitur) lunâ nati; & qui domi equum Scianum habent; adeo vt vix quidquam prospere gerant: quales in Italia duo fuerunt, cladibus magis quam vlla alia re celebres; patrum quidem nostrorum memoria Bartholomæus Aluianus, cui nihil ad manum successit præter strages, & fugas & cædes: & superiori tempore Petrus Strossa, vir excellenti virtute & rara prudentia præditus, sed occulto quodam irati cœli (vt quidem ipse dicere solebat) odio ita infestatus, vt ex multis rebus quas aggressus est, vix vlla felicem fortita sit exitum. Contrâ alii tam benignam habent fortunam, (vel vt rectius loquamur) tam propitium habent cœleste numen, vt venti etiam tempestatesque eis quasi obsecundent; quibus etiam temere cœpta ad nutum fluunt. Et his quidem tuto Princeps imperia mandet atque exercitus committat, spretis illis; nisi forte tanta ducum labore inopia, vt electioni non sit locus. Quod quando contigerit, seipsum accuset Princeps, qui tantas & tam necessarias ad

*Auctoritas.**Felicitas.*

imperandum res, quæ & belli subsidia & pacis ornamenta sunt, non maiori studio procurarint.

CAPVT X.

Quibus modis, quaque industria pax tuenda sit.

*Bellorum
diuisio.*

BELLORVM tria genera sunt. Primum quando Reipublicæ alicuius vel imperii membra inter se configunt: quod *Ciuile* dicitur. Aut subditicum Principe: vel iniuriis atque imperii acerbitate coacti; vel nouandarum rerum studio, aut aliis affectibus stimulati: quorum illud æquitatis non nihil habere videtur; hoc verò iniustæ *Rebellionis* nomine censendum est. Aut Princeps vnà cum subditis vim & Arma in Principem alienum conuertit: quod bellum *Externum* nominatur. Pacem verò præclare ille ac optime tuebitur, qui nulli horum motuum fenestram aperiet, aut causam dabit. In Monarchia quidem siue regali ciuitatis genere *Ciuile* bellum plerumq; nascitur, vel ab ingenii, vel ab ætatis in Principe imbecillitate. Opus ergo est vt qui iam rebus præest, successoris sui diligentem habeat rationem, vtq; omnia ita disponat vt quibusvis in futurum etiam incommodis via obstruatur. In quo quidem duas res in primis sedulo procurabit, statum scilicet religionis, & procerum. Religione enim mutata, femina statim *Ciuilis* belli sparguntur, & rerum nouarum cupidis ansa mutandi etiam vel oppugnandi certe imperii præbetur: dum scissis in diuersa studia procerum animis ad familiam aliquam

*Vnde Ciuile
bellum oria-
tur.*

aliquam rerum summa defertur: cuius potentiam deinde, mutatis temporibus, & in becilliori Principe succedente, ceteris non ferentibus, aut illis ipsis etiam maiora ausis, Civili bello aditus proculdubio patefiet. Subditorum in Principem arma vno tantum casu pia & iusta videntur; quando scilicet Princeps repudiata & profligata vera religione, novas sectas inuehere ac stabilire conatur. Religionis enim quo Deo obligantur homines vinculum multo arctius est & sanctius quam cetera omnia, siue naturæ, siue legum, siue voluntatis. Extra hanc vnam causam subditorum est bonos Principes desiderare atque amare; malos tolerare. quod si non fiat, sed vnicuique ius inuadendi Principem detur, breui omnia imperia pessum sint itura. Neq; tamen ita hæc subditorum officia interpretabitur Princeps, vt eorum quæ vicissim à se illis debentur, obliuiscatur: quum homines iis tantum æquo animo, ac sæpe ne his quidem obediunt, quos pro ipsorum salute excubare animaduertunt; & vnicum mali Principis sanandi remedium, Ferrum esse putent. *Rebellio* aut à subditorum natura & ingeniis, aut imperii forma, *de* aut Principis moribus originem sumit. Qui enim natura inconstantes & vani sunt, nouis plerunque rebus student, & quamuis occasionem non arripiunt tantum, sed & quærunt, Exemplo sint regni Neapolitani incolæ, qui superiori ætate dominos toties mutarunt, modo ab his modo ab illis deficientes. Quod si sit ea imperii

alicuius conditio vt plures ius in id prædant,
 ac eorum quilibet siue totum siue partem eius
 aliquando tenuerit; fieri sane nõ potest quin il-
 lud totum factionibus & discordiis tumeat: vn-
 de fiet vt is qui rerum potitur, vel aperta vi, vel
 occultis odiis à suis oppugnetur. Porro qui-
 bus Principis culpâ inflammari facile possunt
 & solent ad Rebellionem subditi, duo sunt; ni-
 mirum si vel iniustus, vel fortuna sua indignus,
 nec tantis negotiis par videatur: quorum hoc
 facile è proceribus aliquem viribus suis fiden-
 tem ad imperii inuasionem existimulabit; il-
 lud vero vniuersos non sine iustitiæ colore ad-
 uersus Principem armabit. Quum enim iusti-
 tiæ tantum fruendæ, & omnis à se iniuriæ de-
 pellendæ causa regibus ac Principibus impe-
 ria ab ipsis hominibus tributa sint; horum ve-
 ro neutrum ab iniusto vel inepto Principe re-
 cte præstari possit: manifestum sane est, neque
 huius neque illius imperium homines æquo a-
 nimo laturos. Vt vero Princeps ad imperan-
 dum aptus sit, requiritur Naturæ bonitas: quam
 Educationis diligentia adiuuat, Experientia ve-
 ro ad summum perducit. quarum rerum ad iu-
 stitiam tam correctiuam quam distributiua
 administrandam magna vis est: eoq; ex omni-
 bus imperandi instrumentis nullum ad imperii
 stabilitatem firmiter est magisq; necessarium.
 Est verò *Iustitia distributiua*, quæ commoda, ho-
 nores, & onera etiam æquabiliter partitur.
 Quod si Princeps utilitates nimis parce dilar-
 giatur,

*Iustitia di-
 sributiua
 quid.*

giatur, parum amabitur; si inconsiderate honores distribuatur, multorum odia incurret; si onera pacis tempore cum cuiusque viribus non exæquet, pro tyranno habebitur, in bello autem certissimam sibi attrahet ruinam. Avaritia vulgaris offenditur; imprudentiâ in distribuendis honoribus, nobilitas. Jam si favore magis quam meritis Princeps ducatur; ii qui iniuria se præteritos existimant, cum suo etiam exitio Principi perniciem machinabuntur. Et quamvis iniusta hæc distributio semper & omnibus in rebus magna afferat incommoda; multo tamen plura in bello, ubi ministrorum fide atque amore magis opus est. Neque enim vlla res Ludovici Sfortiæ res tantopere afflixit, ut ex opulentissimo Principatu deiectus, tot tantarumque rerum viginti dierum spacio iacturam fecerit, quibus bellum in multos annos ducere potuisset; quam quod Galeatium Sanseverinatem, bonum palæstritam, sed malum militem, exercitibus suis præfecit, ac fratri etiam suo ætate & rei militaris peritia lōge illum antecellenti, prætulit. Qua iniuria ictus, tanta indignatione atque odio in fratrem is exarsit, ut omnium beneficiorum oblitus, nihil aliud cogitarit atque egerit, quam ea quibus fratri ac domino suo nocere se posse existimabat. Tantum scilicet, præsertim in generosis animis, potest indignatio, & ultionis cupiditas. Nec singulorum odia tantum & indignationes, sed rebelliones etiam populorum inde existunt, quando Præfectura siue dignitates

Ludovicus
Sfortia errore

gnitates publicæ non ex merito, sed pro libidine Principis tribuuntur. Prouinciæ enim quibus à Principe præses datur tanto muneri impar, breui eò rediguntur, vt subditos imperii pœniteat, & neque Principem amplius neq; eius Administros ferre possint. Cuius rei exemplum nobis præbet Sicilia, quæ duodeviginti annis continuis ab impotenti & libidinoso homine, quem rex insulæ præfecerat, vexata, tandem à Galliarum regno Anno M. CC. LXXXII. omnino auulsa est, cum tanta gentis eius strage. Nec vero minus periculosum est & noxium Principi, vnum aliquem ita prouehere vt vnus omnia possit, & regat. Hoc enim modo Principatus vnitas dissoluitur, Consilium quod circa se Princeps habet, in factiones distrahitur, imperii Arma & vires retunduntur, Iustitiæ rationes conturbantur, Princeps denique ipse variis artibus continuo circumagitur, & inexplicabili reti illaqueatur, cum maiori vel minori periculo, prout ille à quo Princeps dependet, vel magis vel minus vasto fuerit ingenio. Principatus vnitas etsi multis modis soluat; hoc tamen maxime, quando Princeps tanto vnum aliquem fauore complectitur, vt in rebus & consiliis ad imperii summam pertinentibus, solum illum atque vnum fere audiat, vnus consilio vtatur, ac totus nutu ipsius atque arbitrio regatur. Sic enim ceteri Principes apertam semper habituri sint fenestram, per quam facilis eis pateat ingressus. Sed & in eo vno spes suas omnes subditi colloca-

*Vnus non
prouehendo.*

collocabunt; & quod Principis bonitati & clementiæ debent, ministri virtutibus & gratiæ referent acceptum. Distrahitur etiam hoc pacto atque eneruatur quod circa Principem est Consilium, omnibus certatim eius qui tanta apud Principem floret gratia amicitiam ambientibus, & fauorem captantibus: ex quo fiet, ne eum offendant, vt sententias minus libere dicturi, ac consilia minus sincere expromturi, iamq; non Consiliarii Principis, sed illius qui apud Principem magnus, mancipia merito sint appellandi. Quæ quidem res tanto grauiora affe-
ret incõmoda ac pericula, quanto maiori æmulatione proceres gratiosi illius potentiam prosequuntur. Nec consilium tantum, sed Arma etiam atque vires suas nimio vnus prouehendi studio eneruabit Princeps. Tales enim Principis facilitate abusi, non ad publicam, sed ad priuatam actiones suas dirigunt vtilitatem; eoque vel ipsa consilia ac deliberationes interrumpunt, vel executionem procrastinant, quæ plerumq; non aptissimo, sed ei quem gratiosus ille obnoxium sibiq; obsequentem habet, demandatur: aut cõsiliorum progressus ipsi remorantur, eorum præsertim quæ æmulis suis honorem & gloriam sint allatura. Et vt horum nihil faciant; satis tamen est facere posse, & vel sua ipsorum voluntate, vel aliorum instinctu impelli ac moueri. Iustitiæ rationes etiam conturbantur, quod ceteri magistratus talium potentiam metuunt. Quamuis enim leges vnum veluti vul-

tum ac formam semper retineant, atq; vna lingua loquantur; quia tamen ii in quorum manu exsecutio consistit, homines fere sunt egentes, nec contra vim satis firmi, ad eorum nutum quos primum amicitiae gradum apud Principem obtinere vident, omnia sua fere consilia accommodant, legesque ita interpretantur, vt eum cuius gratiam vnice captant, velle intellexerint: qui interim tam suas quam amicorum res, promouendi studio, ipsi iustitiae cum Reipublicae detrimento, & non sine ipsius Principis infamia, vim afferre nunquam dubitabit. Inexplicabili etiam variarum ad decipiendum comparatarum artium reti illaqueatur Princeps: quum omnes ii qui in Principis gratiam sese insinuare, eamq; tueri nouerunt, astutia singulari sint praediti: sine qua vix momentum mutabiles illas Principum voluntates (qui vt ardentissime cupiunt, ita facillime rursus fastidiunt) deuinctas sibi retinere queant. Ad hoc vero efficiendum, sex his rebus plerumque vtuntur. Primo, quod persuadent Principi, nihil aliud se agere & spectare, quam vt Principis & imperii utilitatibus seruiant. Secundo, quod oculos Principis ita perstringunt ac fascinant, vt nihil in eis deprehendat nisi quod cum sua ipsius natura & moribus quam optime conueniat. Tertio, quod Principi ita adulantur, vt sua etiam vitia pro virtutibus, aut certe nauis leuisculis & ipsi habeant, & ab aliis haberi velint; quare imperito Principi nihil gratius est & acceptius,

*Artes tuen-
ta gratia.*

ceptius. Quarto, quod quibus possunt modis ceteros omnes à Principis gratia & amicitia summouere student, eos præsertim in quibus non vulgaris virtutis sunt indicia: in quo tamen grauius errant. Quinto, quod æmulos per aliorum latera petunt, & cum aliorum inuidia euertunt. Sexto denique, quod magnitudinem suam & potentiam simulata quadam humilitate & affecta mansuetudine celant. Quibus artificiiis deceptus atque incantatus veluti Princeps in eius animalis, veluti Proteus aliquis, formam transmutabitur, quam magus ille seu veneficus volet. Periculi vero quod Principi hinc impendet magnitudo ex animi magnitudine quæ in gratioso illo cernitur, æstimari debet: quasi non indies potentiam suam atque auctoritatem augeat, detrimentum etiam se fecisse arbitrabitur. Iam in quo tanta est crescendi cupiditas, is tandem etiam temporis & occasionis beneficio eo vsq; progredi poterit, vt nihil amplius simulatione aut artibus illis opus sibi putet; sed apertè imperium affectet. Et quamuis nullum aliud inde sequeretur incommodum; illud vnum tamen grauissimum existimari debet, quod tanta vnus hominis potentia ac honore multum de Principis existimatione detrahitur; quem plerique omnes propria imbecillitatis conscientia in talem hominem omnia imperii momenta ac pondera imposuisse, omnesque honores concessisse suspicabuntur: quo nihil est vel ad abalienandos subditorum animos,

*Incommoda,
vbi vnus a-
pud Princi-
pem omnia
potest.*

*Principis a-
micitia quo-
modo uten-
dum.*

animos, eorum præsertim qui virtute & meritis excellunt, vel ad enervanda præcipua imperii instrumenta efficacius; quàm & Prudentia & Iustitia in eo desiderari videantur. Quoniam vero Princeps & ipse homo est, à quo nihil humani sit alienum; homo verò naturâ animale est sociabile: mirum sane non est & ipsum amicos sibi quærere, sed præ ceteris vnum plerumq; eligere, quicum interioris animi sensa communit, quicum in grauibus & seriis rebus delibaret, in lætis vero se oblectet. Huic sane vt amicitia hac Principis prudenter vtatur, in primis opera danda est; & amicitia affectus ita temperandi, vt ne Principatus effectus corrumpantur.

*Onera a qua-
liter partien-
da.*

Quod vero distributiua Iustitia munus quoq; esse diximus *onera exæquare*, constat sane nulla re magis subditorum animos exasperari & ad seditionem inflammari, quam si debita hæc proportio non seruetur: à quibus desertus Princeps, dignitatem suam minime tueri possit, nec illi officium suum exsequi: quod est, Principem modis omnibus adiuuare, vt æquabiliter iustitia omnibus administretur, & vis externa repellatur. Onera vero quæ populis imponuntur, varia sunt, pro cuiusque regni ac ditionis statu ac moribus. Quatuor tamen præcipua sunt. Tributa pecuniaria, Seruitutes personales, Ius siue Reseruatio Regalium, Commoda Hospitiorum siue vectigalia tabernaria. Tributa pecuniaria duorum sunt generum. Ordinaria, atque Extraordinaria. Illa sunt antiquitus usurpata, vt

vectiga-

*Horum spe-
cies.*

Tributa.

vectigalia, portoria, decimæ, & id genus: hæc vero nomen inde habent; quod extra ordinem imperantur, exigente scilicet publica aliqua imperii vel Principis necessitate; aut quando illa etiam ad tempus augetur. Seruitutis personalis duplex item genus est, vñum; à Principis iussu & voluntate, subditos tam pedites quam equites ad militiam euocantis. Alterum à feudi obligatione; quales sunt illi qui prædii quod possident nomine Principi ab hostibus oppugnato suo ære ad certum temporis spatium militare tenentur. Regalium lus percipitur ex thesauris, syluis, venationibus, sale, metallorum fodinis, aliisque rebus, in quas soli Principi ius est. De Hospitiorum siue tabernariis vectigalibus dicere operæ pretium non est. In tributis ordinariis exigendis iniustitia multis modis committitur: quando scilicet ea calamitosis temporibus; quando prius quam debentur; quando à ministris violentis & auaris acerbe exiguntur: quibus rebus fit vt etiam quæ iusta sunt, iniusta videantur. In extraordinariis multipliciter etiam peccatur: quum scilicet ordinaria illa in immensum augetur, quum profusis largitionibus priuatorum opes exhauriuntur, quum noua quotidie excogitantur, & vel vi vel fraude extorquentur, quum monopolia instituuntur, &c. Personalis seruitus tum cum iniustitia coniuncta est, quando maior militum numerus scribitur quam imperii opes ferre possint; quando plus exigitur eo quod quisq; fiducia nomi-

Seruitutes.

Regalia.

Quomodo in his peccetur.

ne debet, aut virium ratione potest; quando auaris ministris in prædam dati, seruitutem magno redimere, aut ultra tempus etiam seruire coguntur, aut ad expeditiones factionesq; non necessarias euocantur, &c. quarum rerum notitiam nos harpyis illis aulicis & hirundinibus lubenter relinquimus. *Regalium exactio* iniustitiâ fere caret, nisi quis Princeps insolenter & tyrannice ea vtatur. Iniustitia vero hic committetur, si noua excogitentur atque instituantur, quod rex quidam Franciæ olim in Delphinatu non sine populi offensione & motu tentauit. Sed & ad distributiua iustitiæ administratiōnem *privilegia* pertinent, *vacationes* & *immunitates* subditis à Principe, vt perpetua essent meritorum in se testimonia, concessæ. His enim si non integre vtifrui liceat, sed omnes eodem iure censeantur, & ad onera vocentur: certum est, iniuriam fieri ei cui suis meritis acquisita immunitas eripitur; eleuari iudicium eius qui concessit; violari religionem & fidem eius qui iuramento firmavit; omnibus denique ad calida & abrupta consilia stimulum addi, iis præsertim in regionibus quarum incolæ non minus publicam rem quam priuatam curæ habent. Ex quibus omnibus intelligitur, quantam vim illud in Principatu siue Republica recte administranda habeat, vt scilicet vtilitates, honores, atque etiam onera æquabiliter distribuantur: quod iustitiæ distributiua, de qua hæctenus breuiter, munus est. Correctiua vero in eo versatur,

satur, vt errores omnes in vita ciuili ac com-
 mercii quibus hominum violatur societas, tol-
 lantur atque emendentur. Errorum hi alii exi-
 stunt ex contractibus mutuo consensu factis, vt
 in emtione & venditione, & similibus, in qui-
 bus fraus occultatur; vnde Ciuiles causæ na-
 scuntur. Si aperta vis interueniat, vt in furtis,
 homicidiis, &c. causæ illæ dicuntur Crimina-
 les. In corrigendis eiusmodi erroribus quatuor
 hæc obseruanda sunt, Legis qualitas, Iudicis
 munus, Æquitatis moderatio, Principis natura.
 In lege tria requiruntur, vt populi illius cui posi-
 ta est, ingenius & moribus sit consentanea, non
 minus quam remedium morbo, & ægrotantis
 complexionis; vtque temporibus etiam sit ac-
 commodata. Vt æquabilem habeat distribu-
 tionem, secundum proportionem arithmeti-
 cam. Vt quoad eius fieri potest Iudicis arbi-
 trium tanquam fræno quodam constrictum te-
 neat, nec exorbitare patiatur. Iudicis partes
 tres sunt; Intelligere quod iustum est; Amare ac

Velle quod iustum est; idque etiam Exe-
 cutioni demandare, &c. Sed de his

alibi fusius erit dicen-
 di locus.

F I N I S.

*Correctina
 iustitia quid.*